



საჯარო სამართლის იურიდიული პირი
თბილისის აკოლონ ქუთათელაძის სახელობის
სახელმწიფო სამხატვრო აკადემია

არქიტექტურის ფაკულტეტი

სამაგისტრო პროგრამა

ინტერიერის დიზაინი

პროგრამის ხელმძღვანელი/ხელმძღვანელები:

არქიტექტურის ფაკულტეტის ასოცირებული პროფესორი ლაშა ჩლაიძე

დამტკიცებულიათსა არქიტექტურის ფაკულტეტის საბჭოს მიერ

2023 წლის 20 აპრილის სხდომის ოქმი №14

თსსა აკადემიური საბჭოს

2023 წლის 24 აპრილის სხდომის ოქმი №23

ინტერიერის დიზაინის სამაგისტრო პროგრამის ზოგადი დახასიათება:

ინტერიერის დიზაინის სამაგისტრო პროგრამა 2008 წლიდან ფუნქციონირებს და მასში თავმოყრილია ინტერიერის დიზაინის თანამედროვე თეორიული, კვლევითი და პრაქტიკული მიმართულებები, არქიტექტურის უახლესი თეორია, საინჟინრო დისციპლინები, გამოყენებითი ხელოვნების მოთხოვნები, ეკონომიკური საკითხები; შექმნა თანამედროვე ინტერიერი ნიშნავს ერთდროულად პასუხი გასცე მთელ რიგ მოთხოვნებს, რომლებიც ორგანულად ითავსებენ ამოცანათა მთელ კომპლექსს - ფუნქციურს, მოცულობით-სივრცობრივს, ინჟინერულ ტექნიკურს, მხატვრულ ესთეტიკურს, ფერთს, განათებითს აკუსტიკურს და სხვა.

პროგრამა ეფუძნება სწავლა/სწავლების თანამედროვე მეთოდებს და ყოველმხრივ უწყობს ხელს სტუდენტის ინტელექტუალურ და შემოქმედებითი უნარების განვითარებას.

საქართველოში არქიტექტურის სფეროში მიმდინარე პროცესებმა განსაკუთრებით აქტუალური გახადა ინტერიერის დიზაინის მიმართულების თეორიულ-პრაქტიკული ცოდნის მქონე სპეციალისტების აღზრდა.

აღნიშნული სამაგისტრო პროგრამის კურსდამთავრებულს დარგის სპეციფიკის გათვალისწინებით და მიღებული ინფორმაციის ინტეგრირებით ექნება ინტერიერის ინოვაციური პროექტის შექმნის უნარი.

ფართო სფერო (მიმართულება): 02 ხელოვნება, ჰუმანიტარული მეცნიერებები Arts and Humanities

ვიწროსფერო (დარგი/სპეციალობა): 021 ხელოვნება Arts

დეტალური სფერო (ქვედარგი/სპეციალიზაცია): 0212 მოდის,ინტერიერის და ინდუსტრიული/სამრეწველო დიზაინი Fashion,Interior and Industrial Design

მისანიჭებელი კვალიფიკაცია: 0212.15 ინტერიერის დიზაინის მაგისტრი Master's of Interior Design

სწავლების ენა: ქართული

განათლების საფეხური: მაგისტრატურა

პროგრამის მოცულობა: 123 კრედიტი (ECTS)

სწავლის ხანგრძლივობა: 2 წელი,4 სემესტრი

პროგრამის ხელმძღვანელი: ლაშა ჩლაიძე არქიტექტურის ფაკულტეტის ინტერიერის დიზაინის მიმართულების ასოცირებული პროფესორი

სამაგისტრო პროგრამის მიზნები:

1. მაგისტრს გაულრმაოს სისტემური ცოდნა ინტერიერის დიზაინის უახლეს თეორიულ და გამოყენებით, (სახელოვნებო), მომიჯნავე საინჟინრო, სოციალურ, ჰუმანიტარულ და საგანმანათლებლო-სამეცნიერო სფეროებში;
2. მაგისტრს გაულრმაოს ცოდნა ინტერიერის დიზაინის და პროექტებისა და კრიტიკის პრეცედენტების თეორიასა და ისტორიაში. ასევე გაულრმაოს ცოდნა ინტერიერის დარგისათვის სპეციფიკური მეთოდების (ფერის, განათების, ინტერიერის მცენარეების ერგონომიკის) სრულად ფლობისა და ორიგინალური იდეების განვითარებაში ;
3. მაგისტრს გაულრმაოს ინტერიერის პროექტირებასთან დაკავშირებული საინჟინრო ეკონომიკური საკითხებისა და პრობლემების, (სამშენებლო კონსტრუქციების ეკოლოგიური მასალების და ენერგო ეფექტური სისტემების) ამოცნობის მნიშვნელობის ცოდნა;
4. მაგისტრს გაულრმაოს ცოდნა ინტერიერის დიზაინის უახლესი მონაცემების შეგროვების კრიტიკული მსჯელობის გაღვივების და შესაძლო პრობლემის განჭვრეტის; ასევე ანალიზის ჩატარების და სოციალურ ეთიკური პასუხისმგებლობით მოქმედების სტრატეგიის შემუშავების ;
5. მაგისტრს გაულრმაოს ტექნიკური პროექტირების პროცესების ცოდნა, რომლის საფუძველზეც სტუდენტი გეგმარებით სივრცით გარემოში კონსტრუქციებს, სამშენებლო მასალებს, მოსაპირკეტებელ და მომსახურე სისტემებს გააერთიანებს და განფასების ცოდნით ეფექტურად ფუნქციონირებად მთლიანობად შეკრავს;
6. მაგისტრს გაულრმაოს ცოდნა მულტიდისციპლინურ გარემოში წარმოსახვის მოხმობის, შემოქმედებითად ფიქრის და ადამიანზე ფსიქოლოგიურ-ესთეტიკური ზეგავლენის მქონე ასპექტების (ფერი, განათება, ინტერიერის მცენარეები, აკუსტიკა) გათვალისწინებით ნოვატორული გზების დასახვის და თანამედროვე ტექნოლოგიების მეშვეობით ინტერიერის დიზაინის პროექტის შექმნაში;
7. მაგისტრს გაულრმაოს ცოდნა თანამედროვე საინფორმაციო-საკომუნიკაციო ტექნოლოგიების, მათ შორის პროფესიულ კომპიუტერულ პროგრამების მიმართულებით რომელსაც მაგისტრი ფართოდ იყენებს კვლევის, პრაქტიკული მუშაობისა და კომუნიკაციის პროცესში; ასევე მისცეს ცოდნა აკადემიურ და პროფესიული საზოგადოების წინაშე იდივიდუალური და ჯგუფური მუშაობის პროცესში გამოყენებული კვლევის მეთოდების,

არგუმენტებისა და ჩამოყალიბებული დასკვნების პრეზენტაციისა, როგორც ქართულ ისე უცხო ენებზე;

8. მაგისტრს მისცეს ცოდნა ფუნქციურ სივრცითი გარემოს (გეგმარებითი, ესთეტიკურ - მხატვრული ფასეულობის, საინჟინრო და ენერგოეფექტური სისტემების) მართვის და სოციალურად ვარგისი გარემოს განვითარებაში წვლილის შეტანის;

9. მაგისტრს ესმოდეს და აცნობიერებდეს, როგორც ტრადიციული კულტურული ისე ახალი ღირებულებების დამკვიდრებაში, სხვების საქმიანობასა და საკუთარ პროფესიულ განვითარებაზე წვლილის შეტანის პასუხისმგებლობას;

სამაგისტრო პროგრამაზე მიღების პირობები:

აღნიშნულ საგანმანათლებლო პროგრამაზე დაიშვებიან მაგისტრანტობის კანდიდატები, რომელთაც გააჩნიათ არქიტექტურის, ან და ხელოვნების ბაკალავრის აკადემიური ხარისხი (კვალიფიკაცია), ჩაბარებული აქვთ ერთიანი ეროვნული სამაგისტრო და თსსა-ს არქიტექტურის ფაკულტეტის გამოცდები უცხოურ ენაში (ინგლისურში, გერმანულში ან ფრანგულში BII დონე) და სპეციალობაში. სპეციალობაში მაგისტრანტობის კანდიდატების, უნარების შეფასება ხდება წარმოდგენილი პორტფოლიოთი და თანდართული დოკუმენტაციით (CV, მოტივაციის წერილი, სარეკომენდაციო წერილი, ნიშნების ფურცელი) და კლაუზურით.

დაინტერესებული პირისათვის უნივერსიტეტის ვებგვერდის მეშვეობით www.art.edu.ge.

დაინტერესებული პირისათვის უნივერსიტეტის ვებგვერდზე www.art.edu.ge. განთავსებულია ინფორმაცია პროგრამის შესახებ.

საერთო სამაგისტრო გამოცდების გარეშე პროგრამაზე ჩარიცხვა ხორციელდება საქართველოს კანონმდებლობით დადგენილ ვადებში და დადგენილი წესით. კერძოდ:

I. უცხო ქვეყნის მოქალაქეებისათვის და მოქალაქეობის არმქონე პირებისათვის, რომლებმაც უცხო ქვეყანაში მიიღეს სრული ზოგადი ან მისი ექვივალენტური განათლება;

II. საქართველოს მოქალაქეებისათვის, რომლებმაც უცხო ქვეყანაში მიიღეს სრული ზოგადი ან მისი ექვივალენტური განათლება და სრული ზოგადი განათლების ბოლო 2 წელი ისწავლეს უცხო ქვეყანაში;

III. პირებისათვის, რომლებიც სწავლობენ/სწავლობდნენ და მიღებული აქვთ კრედიტები უცხო ქვეყანაში ამ ქვეყნის კანონმდებლობის შესაბამისად აღიარებულ უმაღლეს

საგანმანათლებლო დაწესებულებაში სხვა უმაღლესი საგანმანათლებლო დაწესებულებებიდან სტუდენტთა მობილობა ხორციელდება საქართველოს განათლებისა და მეცნიერების მინისტრის

2010 წლის 4 თებერვლის N 10/ნბრძანების შესაბამისად და უნივერსიტეტის მიერ დადგენილი ნორმატიული აქტების საფუძველზე (იხ. თსსა სასწავლო პროცესის მარეგულირებელი წესი)

საგანმანათლებლო პროგრამის ხანგრძლივობა:

პროგრამის ხანგრძლივობაა 2 წელი, 4 სემესტრი, აკადემიური წელი შედგება 2 სემესტრისაგან, წლის ხანგრძლივობა 40 კვირა, პირველი სემესტრის ხანგრძლივობა 19 კვირა, აქედან 15 სააუდიტორიო, 3 სასესიო, 1 დამატებითი გამოცდის კვირა; მეორე სემესტრის ხანგრძლივობა 21 კვირა აქედან 15 სააუდიტორიო, 3 სასესიო, 1 დამატებითი გამოცდის კვირა; 2 კვირა პრაქტიკის სამაგისტრო პროგრამის დასრულების შემდგომ კურსდამთავრებულს ენიჭება აკადემიური ხარისხი: მაგისტრი ინტერიერიერის დიზაინში და ეძლევა სახელმწიფოს მიერ დადგენილი ნიშნის დიპლომი დიპლომთან ერთად გაიცემა ევროპის კომისიის, ევროსაბჭოსა და UNESCO/CEPES-ის მიერ შემუშავებული მოდელის შესაბამისი “დიპლომის დანართი“.

სამაგისტრო პროგრამის სტრუქტურა

სამაგისტრო საგანმანათლებლო პროგრამა მოიცავს 123 ECTS და მისი სტრუქტურა ამდგვარია :

- სპეციალობის/ძირითადი სავალდებულო საგნები 83 ECTS
- სავალდებულო საუნივერსიტეტო საგნები 12 ECTS
- არჩევითი საგნები 8 ECTS
- სამაგისტრო ნაშრომი 20 ECTS

სპეციალობის სავალდებულო საგნები შემდეგ მიმართულებად იყოფა:

- ინტერიერის დიზაინის საგნები - 52 ECTS
- სპეციალობის განმსაზღვრელი თეორიული საგნები - 20 ECTS
- საინჟინრო სპეციალობის საგნები - 11 ECTS